

Sonderlich ist zuwissen / daß man kein Pferd gar zu roh vnd auff einen
stutz mit grossen Gewalt / das ist / mit allen Kräfften der Armbe vnd des ruz-
ckens halten solle / dann es wurd ihme sehr hart geschehen / insonderheit wann
es jung ist / im fall es aber schwarz vnd hart von Kopff vnd Stirn wäre / solle
man / wie obstehet / verfahren / doch das Nasband etwas härter an ziehen / den Leib
so fast aber nit zuruck gehn lassen / dann das starcke vnd plötzliche halten mit dem
Leib zuruck / bricht dem Pferd den Ruckgrad / man solle derowegen ein allges-
mache vnd leichte Haltung thun / wie ich vorgemeldet habe.

Wann aber das Pferd ein wenig hart im halten wäre / soll man einen
Knecht mit einer Spitz-Kuhten in der Hand vor das Pferd / wann man es hal-
ten will / stehen lassen / der ihme darmit trohe vnd es schrocke / auff dise weis
wird es sich leicht halten / auch sich auff das Hindergestell wol setzen / darauff
es fein bescheidenlich zu ruck ziehen / solcher gestalt wird es leicht werden / so es
aber gar zu gern / vnd gleichsam für sich selbst zuffen vnd zuruck gehen wolte /
soll man darob seyn daß es fürwärts gehe : Da es alsdann fürbrechen / vnd gar
zu hitzig seyn wolte / soll man sehen / wie man es mit Gedult / vnd tásteln der
Hand / fein still vnd ruhig stehen mache. Dann das Pferd solle dem Reiter /
aber nit der Reiter dem Pferd gehorsamb seyn / daher solle man
nit nach des Pferdes Willen / sondern das
widrige thun.



Dieß ist ein Pferd nach dem man ein Joch / oder ein Wagen in ziehen
wird / solt es seyn / oder ein Pferd in vollem Lauff / solt es seyn
das vnd freiliger werde / alsdann soll man es seyn / als man verummen / das
es tragen könn / lauffen lassen.

[Faded, mostly illegible text, likely bleed-through or bleed-through from the reverse side of the page.]

